

重刊縣志續志

卷下

補遺

官制

選舉

人物

藝文

沿革

山川

古蹟

紀事

糾誤

附錄

經籍

金石

壺關縣續志卷下

補遺

沿革

太平寰宇記壺關縣古黎國地漢為縣屬上黨郡山形似壺於此置關故曰壺關今潞府所理地是也漢末董卓作亂以上黨郡移理於此後魏宣武二年移壺關縣於潁陽岡即今縣理隋開皇十六年分壺關縣置上黨縣大業三年省入上黨唐武德四年又置案壺關與長治本一縣地自北魏景明以前縣治在今府景明以後縣治在今縣隋雖分為二縣不

壺關續志

卷下 補遺

久復合為一唐始各自為治樂史記叙極為明晰錄之以補前志之疎

山川

沾水地理志出壺關寰宇記羊腸坂在縣東南一百六里一名洞口沾水出焉

案即縣東南之合澗口也三壅山水雍雍水皆至此合而東流水經注云沾水出沾臺下今本沾與為為玷

金谷水會金谷即沾臺之西谿也似即指三壅雍雍二水去玉峽關不遠關或即羊腸坂歟

古蹟

漢壺關三老今狐茂墓元和郡縣志在縣東二十九里

墓今在縣東二十里純山與元和志合前志以上黨記言去郡六十里爲疑案漢上黨郡治長子所謂郡者據長子故城言之長子故城在今長子縣東二十里則相去六十里耳又漢武故事以三老爲鄭茂水經注以爲公乘與冀州圖云刁黃山在長子縣西六十里壺關三老上書明戾太子寃者死於此而冢存則記載之異也

曹公壘元和郡縣志在縣南一百二里曹公攻高幹

壺關續志

卷下 補遺

二

所築

後魏壺關縣故城在縣東南六十里即益陽城也方輿紀要作五十里

宋真宗御書閣在紫團山宋王寀有感平御書閣詩
記事

北史齊高祖紀初魏真君中內學者奏言上黨有天子氣云在壺關大王山武帝於是南巡以厭當之累石爲三封斬其北鳳凰山以毀其形後上黨人居晉陽者號上黨坊神武寔居之及是行舍大王山六旬而進將出滏口倍加約束織臺之物不聽侵犯將過

麥地神武輒步牽馬遠近聞之皆稱高儀同將兵整肅益歸心焉

魏書靈徵志正光元年五月并州上言上黨郡東山谷中木連理元象元年八月上黨郡上言木連理北史周本紀大象元年五月以上黨郡為代國代王達之國

案縣自魏宣武時為上黨郡治歷高齊後周不改故類記之

官制

後魏上黨太守王超

北史王超傳太原人超弟孝靜時

壺關續志

卷下 補遺

三

北齊上黨太守李希宗

北史李順傳趙郡人順孫文宣時

後周上黨郡守郭昇

唐郭思謨墓誌太原人思謨曾祖誌書黨為儻

案府志所載北魏太守如常陟呂溫諸人在郡縣待治之前者例不及

元壺關縣尹閻慶老教諭郭祖儀韓仲元典史鄭洧

並見大德十一年重脩潞州文廟碑陰

選舉

唐進士苗纘

苗彜子見嘉話錄

苗耽

彜子見玉泉子

國朝舉人楊聰

康熙辛卯科考授內閣中書

人物

張思進上黨郡人齊文宣受禪時訛言上黨出聖人
帝聞之將徙一郡思進上言殿下生於南宮坊坊名
上黨即是上黨出聖人帝悅而止北史齊本紀

韓祐字景祚上黨壺關人曾祖峻安定太守祖欽北
海太守父尚州辟主簿祐以天保十年特詔徵入禁
闕轉中常侍又除中侍中授開府儀同三司歷職恪
勤恭敬不交非類間義必歸周師既平並州詔王公
以下若釋然歸順官榮次序依例無失公卿侯伯一
時皆降祐懷節義致事去散志山泉終身不仕隋開
皇六年卒齊侍中開府儀同三司韓祐墓誌

壺關續志

卷下 補遺

張紘家裕好施嘉靖中縣西城傾圮輸資葺之羣推
其義修城記

楊承上字子安父瀾貢生有行義終於滄州學正承
上徒跣千里扶櫬歸里哀動行路時以孝子稱之家
貧性耿介取與未嘗稍苟縣令方初舉鄉飲酒禮親
延之時以為榮卒年八十有二子孫多以科第起家
孝子楊承上小傳

雜記

新序趙簡子上羊關阪羣臣皆偏袒推車而唐曾擔
戟行歌簡子曰寡人上阪羣臣推車會獨行歌不推

車是會爲臣而侮其主其罪若何對曰臣侮主之罪當死死者身死妻子爲戮也君雖聞爲臣侮主之罪亦聞爲人君而侮其臣者乎簡子曰何若對曰智者不爲謀辨者不爲使勇者不爲鬪夫智者不爲謀則社稷危辨者不爲使則指事不通勇者不爲鬪則邊境侵三者不使則難保簡子乃罷推車

真誥稽康爲中央鬼帝治抱犢山

神仙傳王烈者字長休卽鄆人也年三百三十八歲猶有少容登山履險行步如飛少時本太學書生學無不覽稽叔夜甚敬愛之列入河東抱犢山見一石

壺關續志

卷下 補遺

五

室室中百石架架上有素書兩卷烈取讀莫識其文字不敢取去却着架上暗書得數十字形體以示康康盡識其字烈喜乃與康共往讀之至其道徑了了分明比及又失其石室所在烈私語弟子曰叔夜未合得道故也河東聞喜人多累世奉事烈者

北史魏汝陰王傳元脩義遷吏部尚書銓衡惟事貨賄授官大小皆有定價時中散大夫高居者有旨先叙上黨郡缺居遂求之脩義私已許人抑居不與居大言不遜脩義命左右牽曳之居對眾呼天唱賊人問居曰白日公庭安得有賊居指脩義曰此坐上者

違天子命詔物多者得官京師白劫此非大賊乎脩
義失色居行罵而出

嘉話錄苗粲子纘應舉而粲以中風語澀心緒至切
臨試又疾亟纘乃爲狀請許入試否粲猶能把筆淡
墨爲書曰入入其父子之情切如此其年纘及第
玉泉子苗耽進士登第間居洛中有年矣不堪其窮
或意爲將來通塞可以響卜耽即命子姪灑掃廳事
設几焚香束帶秉笏端坐以俟一言所居窮僻久之
無所聞日晏有貨枯魚者至焉耽復專其志而諦聽
之其家童速呼之遂挈魚以入其實無一錢良久方

出貨者遲其出固怒之矣又見或微割其魚貨者視
之因罵曰乞索兒卒餓死何滯我之如是耶初耽自
外遊歸途遇疾甚不堪登升忽見有輦棺而回者以
其價賤即備而寢息其間至洛東門闔者不知其中
有人詰其所由來耽謂其訝已徐答曰衣冠道路得
病貧不能致他物相與無怪也闔者曰吾守此三十
年未嘗見有解語神樞後耽終江州刺史

案唐書宰相世系表耽字毅臣粲子也表不著其
官及舉進士又以纘爲苗昌子其疎舛多矣

夢溪筆談王荆公病喘藥用紫團山人參不可得時

薛師政自河東還適有之贈公不受人有勸曰今疾非此不可疾可憂藥不足辭曰平生無紫團參亦活到今日竟不受

藝文

壺關縣志序 長治周再勛

壺在今日爲上黨偏僻下邑當時重關天險俯視中原固箭括之通天而秦燕晉齊之門戶也自商封同姓爲黎侯壺即在其境內乃負固黨惡西伯首戡之克商之後又欲築宮於五行之山睠睠乎上黨不置者可見憑高扼險雖古聖人不能易也後滅於狄復

壺關續志

卷下 補遺

併於晉又爲三晉裂而有之先屬趙後屬韓野王之役復歸於趙遂有四十萬長平之禍而山東因之以致兼併矣鮑永誤用田邑壁馬遂輸於洛陽而光武以興拔鄴進圍壺關不能卒下輒重魏武屠城之怒聳非以其險惡必爭得之則興失之則亡也哉故上黨不拔天下不可以得志也壺關不下則上黨不可得拔也自晉室南遷遭劉石苻秦慕容以至魏齊周隋相侵相並皆以此爲要衝昭義之設唐以制河北終唐世河北之鎮不能侵大河之地蓋嘗爲虎豹金湯也自宋改隆德軍爲無事之鎮昭義亦爲無事之州

矣張開及元兵之大戰也即於壺關夾勝關係虎林赤之遏曹州賊也亦大破於壺關夫山河如故設險依然何以正德六年薊賊踰太行自壺關南界入潞郡大掠雄山鄉而去崇禎十三年叛將任國琦夜踰壺口襲北董市鎮長驅歌舞而歸所謂守或非其人化爲狼與豺者非耶嘗披往牒壺亦嘗爲郡矣但後世代有沿革建置屢更分割漸成曩爾其實今之長治潞城黎城平順皆其故地也自澤潞分壺遂獨爲咽喉重地承平日久武備漸弛而壺口一關今亦分析於黎城縣並無一騎一兵而城戍要害者止有弓

壺關續志

卷下

補遺

八

兵數名訊商盤詰然皆有名無實不堪禦暴未雨猶堪綢繆隄決從何埤塞是在當事者熟思而早計之耳

詩

寶巖紀行 金元好問

陰崖轉清深秋老木堅瘦城居望已遠步覺脫氛垢寶巖夙所愛丈室方再叩曛黑纔入門徑就石泉漱遙遙金門寺寶燭出岩竇我豈無盡分昔見今乃又同來二三子寢飯故相就現有杜紫微琴筑終雅奏曠曠上初日深樾漏穿漏透遙陟兩巘萬里若迎候

絕壁三百開仰看勞引脈兩山老突兀屹立柱圓覆
諸峯出頭角隨起隨偃仆不可無煙霞朝暮爲先後
橫山連亘鼇飛墮集靈鷲九華與奇巧五老安渾厚
想當位置初遂欲雄宇宙太行有猗谷勝絕無出右
大似塵外人眉宇見高秀哀湍下絕壑電擊雷怒鬪
崩奔翻雪窖瑩滑瀉瓊甃窮源得懸流偉觀駭初遘
僊人寶樓閣白雨散簷溜天孫拂機絲素錦絢清晝永
懷登高賦意匠困馳驟窘於遊暴秦百說不一售林
間太古石稍復杯飲舊已約銘窪樽細鑿留篆籀茲
山緣未了僧夏容宿留終當丐餘年奇探盡雲岫

壺關續志

卷下 補遺

九

猗谷聖燈 前人

金門寺前山突起井底寶巖三十里舊聞聖燈在山
上紫微侍郎宜不妄山空月黑無人聲林間宿鳥時
一鳴游人燒香仰天立不覺紫煙峰頭一燈出一燈
一燈續一燈山僧失喜見未曾金繩脫串珠散迸玉
丸走杵光不定飛行起伏誰控搏華麗清圓自殊勝
北荒燭龍開晦冥南極入地多異星豈知心光毫相
有真遇物外恍惚難爲憑腐儒心魄爲動蕩再拜中
庭謝靈貺何曾辦作劉更生下照仍辱青藜杖昨朝
黃華瀑流神所憐今朝金門佛燈佛作緣紛紛世議

何足道盡付馬耳春風前

案寶巖洪谷皆在林慮山為縣東南界故通志府志

皆載入縣元劉祁有遊林慮西山記節錄於此姚公茂諸君南來相約同遊洪谷日昇山南城三十里入檣林林比黃華頗大林行四五里入山路比黃華頗夷谷亦曠樹木繁鉅水聲比南華差小渡溪至寶巖寺寺在竹間舊有名刹冠一方遭亂惟一浮圖在大殿經閣宛然新構功未畢其南崖號五松亭亭止餘一松王子端記之碑陰刻劉治中濤詩濤亦聞人東北石屋號戒猴洞洞中浮屠石像及諸佛經刻在石起高齋峯端有檐臺隱隱號金門寺云有僧居路險林深游者罕到會坐西軒軒外竹成林流泉琅琅踰軒入竹如擔溜聲不絕東南山缺瞰川原雖峭密不及黃華而宏邃有過之者寺有浴室放泉以燒且入浴神體爽健飯餘讀張天覺聖燈圖記及邊德舉寺碑文頃之復杖履西上厓北轉有大石方丈餘雪瑩掌平枕溪號石席上刻杜相公美所作銘銘曰溪石齒齒溪水潺湲鳴玉蹴珠水流石間涓涓涓溪月冷冷溪風風吟松梢月湛杯中欲醉而歌既醉而臥悠悠千古浮雲之過辭清婉字畫亦道逸可愛即共坐

壺關續志

卷下

補遺

十

賦詩起而前山特變化出奇林益深密時時佇立從容霜已降樹林有改色者於青翠中間見紅葉如春華清泉白石舉步入圖畫又三四里路窮巖合勢如黃華山巖顛飛瀑下流亦如黃華水山擬樓閣刻畫削蠟裁金水則絡繹繁絲千絲萬絡巖下多大石細流穿石罅作金鐵聲舊有亭號知勝王子端作記今無餘迹歸途題大石龕晚與公茂諸君別第以不到天平為恨

遊寶巖寺詩

馬錦堂

怪石參差畫亦難騷人提筆仔細看欲將此景書毫

末寫滿詩囊寫石攔

梵宇神燈自昔傳靈光閃爍想當年而今不見神燈

班月落烏啼星滿天

又題水陸殿

碧水清溪繞座流洞中別貯小瀛洲分明闕破鄰
境信是神工鬼斧修

寶嶺靈蹟妙無邊未稽工成幾許年
白石玲瓏藏玉

宇半由神力半由天玉液瓊漿滴碧空
雲間鉄馬嚮

丁東危樓上接三千界古刹高懸百尺中
碧水遍護

羅漢座丹霞普罩梵王宮洞通百竅
何人闢內裡神

奇數不窮

遊紫團山 明知縣尹梁

久慕雲林好偷閒今始來危峰臨水滸
古寺傍山隈
草色連蹊徑松陰上砌臺
憑高秋月下把酒共徘徊

壺關續志

卷下 補遺

和張君八景詩 推官真恬錄三首

橋樓冒險下深絕旅魂驚芳草階前合浮雲
馬上生
招涼人已遠架壑與偏清
千載誰重構幽棲無限情

橋樓 崇

貝闕幽林畔晨光辨佛顏
開門見照壁選地設屏山
僧定如安堵身閒此閉關
翠微頻入望無路可躋攀

照壁 山

溪水一泓澄東流不作聲
覽之瑩若鑑可以濯吾纓
皓月還須印浮杯如許濤
濛梁何曠達招隱擬同盟

濯纓 溪

馬丕瑤詩十首

并序字玉山河南安陽縣人壬戌進士於同治十一年壬申九月

月由安陽赴并道出太行白林慮至上黨見山水奇秀馬上口占得詩十首

楊家池道上

八山西壺關縣境九月十八日

指顧南山下泉流隔水涯一池噴雪練百尺瀉銀花

八晉鄉音變吹幽社鼓繼大河前渡望巖上幾人家

大河口

不住河聲響胥奔大口流天關三晉險雲鎖兩山秋

上黨重關進中原下界收此心盟白水仍作太原游

潭上

十八日曉宿此

門前一曲繞清流西看青山秀色收水榭幾家塵世

壺關續志

卷下 補遺

五

外生涯宛是在仙洲

橋上途中

十九日

到此風光好東來得未曾嘗新千石砌流合兩溪澄

煙樹遮前渡人家列上層絕看山色秀馬踏板橋騰

橋上觀額

誰家門寫慎謙和人已咸宜包括多策馬我來橋上

見謹持三字免風波

石嘴道上

兩山夾水起嶙峋峭壁蒼然而面目真祇許丹青粗著

色霞江的是箇中人

崔霞江下畫師畫山水用粗筆頭恰是此景

過窟窿山

此山名皇姑嶺係舊窟窿

路轉疑無路惟看旭照明忽通山右界不隔太行橫
奇窟神工鑿危橋鬼斧成天中穿一徑迴首洞煙平

棧道吟

仰觀翠屏合俯視青澗流棧道來一線飛插相連鈎
護檻僅容馬空梯上危樓陰崖訝溼衣大石紛當頭不
覺心目眩徐行欲偃僂鳥鳴山愈寂樹籠景彌幽忽
驚飛泉響清冷與耳謀巖北千尺下拋珠並晶毬西
壑俄開朗一孔日光留松排前面翠石髮波底稠拱
拜逢石丈黃華解客愁詩思添驢背道險心夷猶應
接曾不暇十里下河溝牛羊見却落圪堆臨上游溪
畔槐蔭裏小憇話滄洲

過二層窟窿山

此山名長蛇嶺係新窟窿

已過皇姑嶺行行又窟窿一天開嶂內百步走雲中
似蟻形全小長蛇尾半空鞭聲前兩響去路莫怱怱

柏坡道上

山勢自此漸平十九日

半日登高上崎嶇迥不猶看來蝸舍聚到此馬蹏迢
榭布前坡密松蔽古寺幽山泉高望處一穴半空流

糾誤

沿革云唐虞夏爲冀州并州之域案禹貢止九州舜
典云十二州王肅謂冀州之北太廣分置并州蓋本
馬融之說據周禮職方氏并州山曰恒山川曰滹池
乃今析代以北地上黨在十二州仍當爲冀州之域
其屬并州乃漢制不可以例上古

又云漢始置縣曰壺關案漢書地理志上黨郡秦置
魏書地形志秦上黨郡治壺關城謂漢始置縣非且
漢壺關故城據水經注元和志卽今府城縣在爾時
乃壺關地非治所也

壺關續志

卷下

糾誤

十三

又云尉睦侯王嘉於後漢末嘗移縣治於上黨郡北
案二漢上黨郡並治長子董卓之亂移治壺關則漢
末所移乃郡治非縣治太平寰宇記羊腸坂在縣東
南王莽命五威將軍王嘉曰羊頭之阨北當燕趙舊
有關亦謂壺山後魏移縣於此尉睦侯之說蓋因此
文而傳合者

又云魏晉爲壺關縣屬上黨郡北魏因之案魏晉之
壺關皆在今長治方輿紀要晉永嘉二年劉淵使子
聰及石勒攻壺關敗劉混將黃秀於白田韓述於西
湖王肅於封田其地並在今府城西可證也寰宇記

云後魏宣武二年移壺關縣於潁陽岡潁陽岡方
紀要在縣東南五十里括地志後魏移壺關縣於
賜坂羊頭山之阨是也實為壺關治今縣境之始
不惟屬上黨直為上黨郡治矣謂北魏因魏晉漢
殊混

又案水經注漳水經壺關縣故城西又屈經其城北
云云亦指今府城而言道元後魏人書成於縣徙之
後故云故城也若今壺關豈漳水所能經者乎要之
縣與長治自秦漢迄魏晉本皆一地而治所則在長
治今縣之得名自後魏中葉始而廢於隋初其再立

壺關續志

卷下

糾謬

三

縣自唐武德始而定於貞觀志之地理必因山川以審
疆域因年代以考沿革如舊名以求合失之遠矣

山川云太原北乃羊腸山非羊腸坂也案地理通釋
羊腸有三一在懷澤間即太行坂道也一在壺關縣
東南百里戰國策韓兼兩上黨以臨趙即趙羊腸以
上危漢志壺關有羊腸坂是也一在太原西北九十
里吳起曰夏桀之居伊闕在南羊腸在北淮南子注
太原西北有羊腸坂通河西上郡關通典陽曲縣有
乾燭谷即羊腸坂是也若羊腸山元和志云在交城
縣東南五十三里不在太原之北又寰宇記宜芳縣

亦有羊腸坂古山名地名相同者眾矣不能以一隅之見概之也

又云黎嶺在縣東北二十里相傳即黎侯國舊地案方輿紀要黎亭在潞安府西南三十五里黎侯嶺上相傳黎侯所築應劭曰黎亭黎侯國也然則黎嶺與縣西諸山相接不得云在縣東北

古蹟云令狐徵君隱城東山中終即爲冢焉諸生尊爲師法陪葬者三百餘家又云漢上黨治長子故城在今長子之西南據上黨記茂隱城東山卒葬其地去郡六十里則非崇賢之純山明矣案壺關三老漢

壺關續志

卷下 糾誤

十四

書不載其姓荀悅漢紀上黨記並以爲令狐水經注以爲公乘興顏師古注漢書從荀悅說自確漢書高祖紀舉民年五十以上有修行能帥衆爲善置以爲三老鄉一人擇鄉三老一人爲縣三老與縣令丞尉以事相教百官志凡縣十里一亭亭有長十亭一鄉鄉有三老秦制也茂爲三老或縣或鄉皆不可知而志乃謂諸生尊爲師法似直以三老五更當之附會無稽長子故城水經注有三一爲堯水所經一爲梁水所經一爲陶水所經注於陶水所經者直稱爲長子城蓋魏晉以來徒治於此其地在今長子縣東二

十里去壺關之純山亦不過六十里上黨記傳於石勒時所謂郡即據此城而言其云葬所去郡六十里與元和志在壺關東北十九里相合確無可疑不必援漢故縣相稽難也又案冀州圖謂三老家在長子縣西六十里刁黃山則直記載之誤矣

又云潁陽岡今縣治後魏嘗置縣址存案寰宇記謂後魏宣武帝二年移壺關縣於潁陽岡即今縣理似不為無據特記又云羊腸坂舊有關亦謂壺山後魏移縣於此而括地志亦云後魏移壺關縣當羊腸坂羊頭山之阨方輿紀要壺關舊城在縣東南五十里

壺關續志

卷下

糾誤

十五

是也證以魏書地形志所載壺關山川大半皆今縣

東南地而大王鳳凰二山則繫之屯留

時長治潞城皆屯留地

帝紀太平真君九年詔於壺關東北大王山累石為

三封又斬其北鳳凰山南足以斷之今大王山在縣

東南二十三里若其時縣治已在今縣安得云壺關

東北大王山乎

地形志上黨郡皇始元年治安民城真君中復治壺關是潁陽岡之置縣

即在真君時寰宇記宣武帝當是太武帝之誤竊謂縣東南六十里有皿陽

山山下有城頭村舊志所謂慕容永所築之益陽城

者益陽皿陽當是潁陽之譌因附近之陽護城照城

有慕容遺蹟遂並此城屬之而謂今治為潁陽岡又

爲進流川唐置縣去隋廢郡時僅數十年何地名並
岐異若是哉

又云周華陽君馮亭墓在壺關城西五里漢太尉周
亞夫墓在三老墓前案元和郡縣志馮亭墓在上黨
縣西五里章懷後漢書注同其云壺口乃漢壺關縣
也入之今縣謬周亞夫與此地尤不相涉謂土人得
石碑亦誣也

紀事云商封同姓爲黎侯紂爲黎之蒐西伯戡黎春
秋時赤狄奪黎侯地爲潞子嬰兒國案黎史記作饑
又作者書傳但云商時之諸侯不詳其始封六韜決

壺關續志

卷下 糾誤

十六

大疑武王封湯後於黎可證爲商同姓然在周時不
得云商封也

呂氏春秋武王封堯後於黎路史以杜
爲即伊耆氏則六韜之文亦不足據杜

預注左傳於黎氏曰在上黨壺關縣於黎之蒐曰東
夷國蓋晉所立之黎侯非復文王所戡者今黎城東
有黎侯之故城府城西南有黎亭相去百餘里而中
復間以潞子故國明爲二地而濬縣之黎水經注以
爲黎侯所寓者無論矣茲混而一之而又謂赤狄奪
黎侯地爲潞子嬰兒國於左傳原文亦不合皆襲明
府志之說而不詳核者考縣在春秋初當爲皋落氏
地雖今垣曲有皋落鎮樂平有皋落山地志皆引爲

晉申生所伐者而垣曲則逼近翼都樂平又越國鄙遠未見爲是惟上黨記謂在祁城東南今名無舉者確爲今縣證以杜注晉東之說及當時事勢亦無不合志於紀事不引內外傳之文而必傳合黎亭於此何耶

又云漢陽朔二年秋關東大水流民入壺關口建安七年袁尚將郭援囚絳州守賈逵於壺關十年高幹守壺關口十一年正月曹操親征克壺關案漢書成帝紀關東大水流民欲入函谷天井壺口五阮關者勿苛留地理志上黨有壺口關也茲增易其文爲壺

壺關續志

卷下

十七

關口非三國志賈逵傳逵以郡吏守絳邑長茲改邑長爲州守謬且絳州之名始於後周漢時並無其稱壺口見左傳杜注在潞縣東乃今黎城之東陽關舊名爲吾兒峪者而壺關之得名元和志謂山形似壺於此置關故名則史所稱壺關口其地當在今縣北及府城之東所謂壺山壺谷是也與專稱壺口者似有別志概引爲縣地亦非

又云晉永興元年劉淵遣子聰及石勒寇壺關云云案晉壺關卽漢舊縣並在今府城志並王猛慕容永苻冲苻丕諸兵事並探入殊失限斷

苻丕率男女六萬如潞川談州

州為

又云宋元嘉二年詔於壺關大王山累石為三封云云案此及後魏世祖太平真君九年事也地形志謂上黨郡於真君初治壺關與移縣於潁陽岡當是一時事乃更革之最要者而繫之於宋元嘉殊為疎略且真君九年實宋元嘉二十五年謂為二年尤謬夫南北朝無統前人辨之已詳方乘紀事各從其世與史家編年有異志於北魏之初冠以東晉年號猶可也至於宋梁亦一一書之則陋矣而讀史不熟動致舛訛如所載魏天興五年討上黨羣盜事而繫以晉

壺關續志

卷下

糾誤

六

隆安十一年隆安止五年已改為元興安得有十一年哉

又云隋改潞州復為上黨郡以襄垣東屬改壺關為上黨縣唐武德九年析上黨縣復置壺關案元和郡縣志周武帝建德七年於襄垣縣置潞州上黨郡屬焉開皇十年罷郡自襄垣縣復移潞州於壺關即今州是也志謂隋改潞州以襄垣來來誤為東屬在此時其壺關自潁陽岡移置於今府城亦當在此時近府城掘地得隋仁壽二年舍利塔記稱潞州壺關縣楚境寺可證也若改州為郡在煬帝大業二年隋書地理

志云大業初復置郡廢壺關入焉元和志云開皇十
六年分壺關置上黨縣大業二年有壺關並入上黨
則今縣自壺關北徙後僅六年又置上黨縣置縣僅
十一年又北徙合於壺關而改壺關縣爲上黨縣自
定而府城爲上黨者至明始廢唐地理志武德四年
析上黨縣置壺關元和志云重置是也自是而今縣
爲壺關者至今相承舊志殊不明燎而又誤武德四
年爲九年

官師元遠魯花赤有都監晁仲璧郭成二人案都監
爲雜職當與辦課官同列達魯花赤在縣爲監縣非

壺關續志

卷下

糾謬

十九

邑日人不得任也

封爵有微子黎侯漢壺關侯案微子城在潞城東北
去府城五十里志因魏地形志壺關有微子城列入
又謂地去壺關五十里曲爲附會黎亭在長治西南
三十五里黎侯故城在黎城縣東十八里漢壺關侯
劉武封邑亦在今長治水經注於壺關故城引以爲
證均不宜屬人

名官有宋苗時中案時中官潞州司法參軍無壺關
政績

選舉仕進有馮亭案世本馮氏卿大夫馮簡子之後

鄭至戰國爲韓所滅故韓亦稱鄭亭以韓人爲韓上
黨守入趙漢書馮奉世傳謂其宗族或留潞或在趙
而亭墓則在上黨與壺關無涉

進士有乾封元年幽素科苗神容案通考乾封元年
以幽素科登第者七人神容與焉而不詳爲何許人
唐書宰相世系表記晉卿家世亦無其名

人物循良有馮亭壺關人見澤州志苗時中其先壺
關人見宋史而實皆無確據宜並刪

名德有明張鐸楊四重循良復見一人兩傳史例所
無

流寓有漢祝公道漢壺關非今縣也辨詳前

方技有元王大利云壺關陰陽教授案大利撰重修
靈澤王廟碑記結街書安豐路陰陽學教授非壺關

附錄

經籍

唐韓昱壺關錄三卷

文獻通考云紀李密事而署名爲太行山人則昱當是唐初人而居於壺關者

苗台符古今通要四卷

唐書宰相世系表台符字節巖蕃曾孫也韓愈苗蕃墓志蕃年四十二卒於太和二年則台符之生必在唐末無疑通志於選舉載其年十六登乾符三年進士而又云宣懿時人誤

壺關續志

卷下

附錄

二

元王天祐虛舟集

舊志藝文存新塑文廟十哲記一首

王大利三元正經三元節要

案大元嘗官安豐路陰陽學教授蓋精於術數者明杜敷拙菴集八卷

集爲其孫矩所編詩六卷文二卷前一卷爲聖製備載太祖詔諭末一卷則附錄傳略及交遊投贈之作也崑山葉文莊公爲之序蓋成化時所刊者而徧訪不獲僅文三首詩十二首及太祖四制葉序附錄之作見於舊志藝文餘無傳

張鐸西林集警心要言朔州府志壺關志

墓志並載鐸有明詩選全唐律詩今俱佚

國朝楊四重柏林徵獻錄

舊志藝文載四重友松亭六息亭二記並在柏林
蓋其祖居也是書當亦歸田後所作

牛俊且菴詩文集

舊志存詩文各二首

劉鏡海田詩草

山右詩存選二首

王奇士東崖詩草

壺關續志

卷下 附錄

三

山右詩存選一首

馮文止東山遺集


文止工制藝河間紀文達公嘗序而刻之其詩古
文邑人申瑞所搜輯者舊志存記二首紫團山雜
詠二十四首

侯祖錫解易讀詩今韻辨音字學箋表

案鄉先生著述例登志乘臨申專門之學寥寥不
能備甲乙丙丁之錄而又大半散佚將來且並其
篇目參數亦無述矣哀錄之以徵文獻且爲志學
者勸也

金石

古布



壺關續志

卷下附錄

三

右臬落布二皆方足邑貨也落字筆書小異並摹
之案臬咎古通用書臬陶楚辭及史記並作咎籒
可證此文又省作处石鼓文大車出洛洛作各此
又與咎字同省口而移其草頭於下使兩字相稱
尤爲離奇古人用字同聲假借偏旁互易見於金
刻者極多而布文尤從簡或釋二字爲咎如似是
然臬咎如係三字地名臬字當下屬不能以長狄
僑如例也上黨記東山臬落氏在壺關東南晉申
生所伐者今名無罽布當是鑄於其地者與近人
泉譜所載屯留鄆子襄垣高都同是露字涅字諸

布皆出上黨大都春秋晉七國韓趙時物也

隋造像記

開皇十五年正書在大會村

大隋開皇十五年歲次癸丑十月戊辰己卯日張村
合邑□施人□首夫□□□寂法海本自無窮像教
住世靡□不表其德□不同值之如□能致興斯福
叢□□□□□合邑義施人等敬造□迦像一壺其
功始記晝飭在□□方異□□麗與□卒垂□壽其
洪與三光等耀寧不刊石存銘□流後範菩薩之家
許□獨願國祚永隆後爲七世父母臨生父母□緣

重刊續志

卷下

附錄

二四

眷屬□地衆生難苦喜樂朽時成佛□□□□合
邑義□人等住居□旱之地願□泉□干地而生□
石分五層文刻首層存二十六行行七字首行大隋
字高二格書第二層刻佛像七區每區之旁皆有題
字凡九行中題當陽大像主左題左相阿難主□難
隨左相菩薩主李遵左相迦葉主張永貴及張廣達
侍佛時六字右題大齋主靜安闍敬資副像主張位
策副齋主雲嵩末行泐存人張二字第三層亦刻佛
像七區題字九行爲願成記主□□買都邑主程顏
貴開佛光明主劉洪重發願□□□伽都侯□張乾

都福德主郭惠明右相菩薩主程逢容末行泐存廣
達二字第四層題名八行與第三層字相接爲邑子
令狐明至邑子張樓邑子□邑子雲難隨且□仁邑
子□□邑子郭惠明邑子張乾邑子張苗第五層題
名二十一行名皆冠以邑子首行三行並闕名餘爲
張里安呂明目張勝如牛磨仁程國勝張杜□□洪
秦□趙□□□醜秦輓醜斬貴鎖張□如張益如牛
□王阿□張□有田士林其碑陰刻妙法蓮華經普
門品五百餘字經文不錄末書大隋開皇十五年歲次癸
丑十月戊辰己卯日立石

壺關續志

卷下 附錄

二五

唐王府君墓誌

不詳年月舊在西柏林村今亡

案府君名姓儀鳳二年官武連令石於明時出土舊
志節略其文爲立傳據姓授官在上元儀鳳時年八
十有二卒於私第葬西柏林村儀鳳距中宗嗣位僅
六年似其卒當在武后世而文中無新製字無從取
決亦不知西柏林村爲原文否耶又舊志選舉載有
魏司徒侯紹晉驃騎將軍侯鳳隋朝散大夫侯瑜南
齊廬江太守令狐芬考之史傳皆無其人亦當是得
之誌石者而前人於古刻多不採錄易世而後遂致

湮沒無徵家劉龍三老墓碑云純山之陽有古塚耕者得此石隱隱有字取視則唐人令狐璋墓志也似令狐芬即璋之先世見於志中者特其序世示所云昔先祖茂來輔周室光翼漢朝封爲壺關三老諡云徵君諸語疑是妄人偽託不足爲據茲輯碑目亦擯弗錄

贈太師韓國公苗公墓志銘

永泰元年舊在龍谿山北今亡

文爲李華撰載舊志藝文唐書本傳云晉卿自爲父撰碑文有鵲巢碑上云云今石亦亡

樂氏二女父母墓碑

乾寧元年正書在櫻桃掌

大唐廣平郡樂公之二女靈聖通仙合葬先代父母

壺關續志

卷下

附錄

二六

有五瑞記

師聖□秦通語□靈在櫻桃郊墟王家地內其靈一也又三月七日村人等再將酒脯香火於所通去處乞靈驗當有旋風指引此□□□其靈二也又取石之日於古任村西山便見此石下有白蛇其靈三也又載石之日有仙鹿二口於車前過其靈四也又卜地之日聞空中悲聲其靈五也夫聞通天者日月星辰而著象觀地者山川海嶽以成形然則四時行焉百物生焉□□愚彼靈應春秋肅肅凡庸過歲月推論感應幾種證詳神祇昭彰未有不遵樂女二仙

之聖德而口矣不知口口口口不變化現何時古墟
任村口口廢址留洞口廟遺址用金銀將金似猶呈繡
履求恩者家察皆至乞福者後家皆臻歲儉求之即
豐時旱求之即雨名傳九府聲播三京致謝而有似
雲屯列筵而如同霧集春祈之際二女通口口父母
魂靈苦要重葬皆成奔馳道路地名山號已有前循
選擇明堂永記樂翁諱寶山母楊氏其立之松栢其
景也生蛇屈曲鳳翼廻翔前口口口後似羣羊一低
一昂狀如走虎具標仙景史籍長存緣有六雄壺關
上黨地連三變靈藥紫園寺額雄仍通麥積靜林口

壺關續志

卷下 附錄

口上黨荒城塋接秦關川呈赤壤是日也感得祥雲
五色慧日重輪鶯啼谷響猿叫山昏靈禽異獸悲號
慘聞助葬者口口五縣贈財者千村萬村英雄秀士
文武官勳排比威儀花隊輦輦斗帳羅口繡衣煙霄
逸路車馬駢噴莫口口類若乃去尋輿義不委口代
而興史籍無虞未審何君滅既通名諱姓氏咸依爲
緣祥瑞頻生皆從指引口口古人之語萬戶欽尊二
女化身之時尋至羅神之曲紅裙繡履便是本身凡
聖難明凡經親現違之者災禍交至口口之者恩福俱
興遷葬先口口願村人劉劉王美合世長幼等

村南二里地亦有憑眾立封疆一畝三分闕逢攝提
格之歲六合之年天地□同陰陽並運累代深遠今
始昭揚萬人歸心敢不從政農夫罷業織女停梭雲
□千般各施獻禮經過王仙芝□□□長聚兵柴存
起在江西黃巢集於淮北國章否秦天下荒殘離落
□西分張南北此地綠仙宮隱跡神女呈威雖度危
亡不至傷戮□蔡已息百郡咸寧韓魏停征燕趙罷
戰尚恐賢良未辨難保歲寒海變桑田改移山嶽粵
以乾寧元年甲寅之歲□余之月節候朱明甲午□
宸奠生菜瑤磨寶器着思成文□□琢石鐫題將爲

壺關續志

卷下

附錄

二六

永記其詞曰猗歟聖女感德稱仙或遊十地或歸九
天朔置松柏廣集羣賢故立碑記徒標歲年□□□
感應詩五十六字聖女嘉祥推感應葬儀傷慟九般
情林中愁聽黃鶯囀巖下唯聞白鹿鳴慧日流光重
抱戴瑞雲頻繞五花成莫言此地無松柏刊石留將
記姓名

碑後書鄉貢進士□瑜撰□武都虞侯馮□書一
泐其姓一泐其名

宋再修壺關縣二聖廟記

大中祥符五年正書在神刻村

詳夫舜妃洒淚竹痕得自於湘川齊女遺蹤蟬脫頗
聞於海岱弄杼遇乘槎之客浣紗逢避難之流秦樓
忽化於飛煙水府遽成於烏烏少姨啓母靈祠肝饗
於高峯毛女麻姑往事昭彰於太華其有不刊祀典
大洽民心神鬼難明陰陽爭與者垂名千載何代無
人況案據之有憑見形聲之可驗者即二聖之神歟
斯神者本茲地樂氏之二女也因同採藥於深山得
共遊仙於洞府金丹玉液服時而漸覺身輕絳節輓
旌行處而方知□□或嘯僊命侶或駕欵乘鸞丁令
威千載歸來人物非而城郭是王子喬雙鳧暫去桑

壺關續志

卷下 附錄

二九

田變而陵谷遷依人而無黨無偏致饗而爲雲爲雨
名姓雖標於仙藉林泉猶戀於邱園既託夢於玉人
亦假言於巫者金聲玉振非不見以不聞精氣游魂
但爲恍而爲惚邑人乃感茲靈應朔彼嚴祠酌祠蒸
嘗諒無遠者近者犧牲粢盛何妨以炮以燔神來兮
海靜山空若白日出扶桑之東神去兮移星轉漢若
明月落瀛洲之半既吉蠲之是享諒生豐以無聞祈
若虔誠應如響答屬以炎涼代序寧觀俎豆之容霜
露沾衣非復絃歌之地丹青歲古風雨年深棟宇方
頽尙薦芬芳之味鼓鐘斯設空多池戀之音何否極

以泰來忽鼎新而革故真所謂利有攸往蒙而後亨
欲復宏規必符昌運今我后纂承丕緒廓定寰區皇
猷塞而夷夏同風王化敷而車書一致品物咸遂萬
民以康德動天而寶錄垂祥澤及地而靈芝薦瑞武
功甫畢已歸馬於西山文德告成旋埋金於東岱五
星順軌百穀用成蕩蕩巍巍不可得而稱也矧以
府太傅忠貞許國神武濟時實王者之腹心乃邦家
之柱石約民以禮御衆以寬行賢太守之情風□操
上將軍之重柄偉哉其惟我公得雙全者也復有展
驥宰若栖鸞侍御知三年字民有術聞二聖應變無

壺關續志

卷下 附錄

三十一

方各減俸錢共爲盛事神道設教其在茲乎邑首都
維艸□□等得備四民咸有一德嘗勤耕稼敢負神
祇徧詣羣情必謀修葺經營歲月跋涉山川冒寒暑
於春夏秋冬訪椅桐於東西南北推官置臬郅匠揮
斤興傳說之功展公輸之妙梁橫蟠螭如蓬島之晶
瑩瓦簇琉璃若天宮之錯落雕梁畫拱正殿迴廊樂
檻櫺沐以飛空樓榭龍驤而架險墜塗已備赭塗必
鮮翡翠簾褰椒酒奠克誠之子珊瑚帳啓闔闔觀如
在之神威稜則望而畏之見崇祠之屹屹正直則昭
乎德也宜降福以穰穰顛昂兮神之聽之炳煥兮壯

矣麗英厥功告畢斯願乃成貞珉既就於高山紀事
爰詢於作者如僕也雄能抱朴莫得守雌曾謂蟾宮
但折嫦娥之桂罔知繼次難尋婺女之星陳思王賦
以告詩未嘗見也鄭交甫解其佩帶莫我知之多仲
謀麥菽之愚乏和穀詩書之譽丰采匪同於宋玉夢
魂不到於高唐方蔡伯喈之雄文仍多愧色搜鄭康
成之□□□不着肩非唯不讓當仁且務直書其事
鄙辭既出詢讓寧逃者乎

大宋大中祥符五年九月十五日記

碑後書前代州軍事推官將仕郎祕書省校書郎

壺關續志

卷下

附錄

三

張儀鳳撰將仕郎守主簿李煥亭書

紫團山摩崖碑

□祐五年正書在雲蓋寺西

新修潞州壺關縣紫團鄉慈雲院碑銘

朝奉郎太常博士直史館權知潞州軍柱國賜□魚

□袋董道撰并篆額

按正毗尼教說法住安之應先籌量靜其出入有好
林樹及清泉絕煩燒音聲無毒整風熱方結同意共
相安隱坐禪說法爲真比丘隨時急須飲食醫藥若
不如是得窣吉羅又波羅夷法云憍薩羅國昔有比

邱深山林中潔志獨住爲非人女強欲求婦役一比
邱阿蘭若處爲毗舍遮鬼持在自是深山空可畏處
不許比邱獨住蓋妨魔嬖所侵故高行必芻枝離袞
婦必結同志以擇安居斯佛教也紫團山者隸壺關
西偏峴潞府百里衆嶺崇巔抱其勢卑若輿僅洪山
雄岫輔其隣謹如趨走陰陽儲其清邃日月射其精
明擁翠干霄無自神之木織交覆地皆可擷之茶羅
泉洄其清冷層潭蓄其滋液有霞駉雲蔚之異無獸
櫻虫毒之虞實天作靈非人可致羣山廻合中面豁
開寂無染物之塵宛是修真之所古德云往遺景猶

壺關續志

卷下 附錄

三

清舊趾將興屬于能者爰有繼侶殆二三人以其勝
地多奇共念綿力難與今院主信琮上人因授虛心
之請允答安眾而居乃薙葺茨踣審曲而勢比物醜
類筋力揆材新像設可以來焚修周室廬可以待風
雨有扁斯石足以宴安測彼下泉于以挹注旭日始
旦先麗東榮白露爲霜不勞墮戶園有嘉草其茂維
蔓厥植旣靈瀉氣不作鬱有灌木其秀維松寒陰積
繁炎光不到故居之者不疾屏止者忘歸夫動不能
制動非寂本澄源無以觀乎至蹟塵不能息塵非滌
慮凝覽無以臻乎至淨況沙門者勤息之善號勤息

者棲真之大歸內無緣拘所以勤修至道外無浮境
所以息深達源若未能想念都忘根塵不動利用崇
德須擇其居有侶同心免爲魔燒之惑考槃自遂不
爲憤亂所攻斯院主人葺足以居眾者蓋道天人
師之教戒也院主人以菩提本無心假心以爲說
謂波羅蜜無體託體以爲修以其說不可以法名以
其修不可以果證所以泯威儀相不離道場開方便
門無非善誘爲不請友作利生因仁者見之謂之仁
智者見之謂之智故上人肇心崇建眾願悅隨牆縮
板以登登材伐木而許許工師獻技旨構爭奇役徒

壺關續志

卷下

附錄

三

忘勞鳴馨不息悉檀者脫五燒之苦隨喜者厭稠林
之心厥功告成狀聞邦長邦長敷奏格于帝聽越太
平興國七年冬十月勅賜慈雲院額名善利而福養
生也上人以滄早契宿緣廻向佛法見說論選敢無
愧辭稽首歸依證爲銘曰

節彼崇山峻極於天蒸雲泄雨驛霧馳煙草雜蔓
矣天苗翠鮮木維松矣灌木森然鑿石者澗漚流
者淵乳洞藏邃可宅靈仙巖齋悶寂可以棲禪邈
乎往者擇茲居焉眷維上人氣真撲全謂欲蓋厚
寧忘境牽謂欲蓋重能無情遷爰與益友確志礪

堅越與檀施爲增上緣于采其木景山之巔是度
是斷是斲是樓迺立仇門不崩不騫迺宏正殿孔
曼孔挺旣慎其處式安且閑彼非人女胡施其顏
彼魔燒鬼胡爲其患可以摧伏投畀窮邊昔佛說
法會徒億千或鷲池側或鷲峰前尙遠聚落蓋免
紛纏故阿蘭若遺法相傳志士居此誰其舍旃嘉
乃丕績匪舌是宣劫火煽熾三界洞然庶幾不壞
永宅聖賢志于巖壁億萬秊年

碑後有布衣施懷寶書匠王卽鏤字一行又題名
行有高成沈希周來元三人後一行紀年書口祐

壺關續志

卷下 附錄

三四

五年仲夏十六日記祐上一字闕案宋仁宗改元
有景祐皇祐嘉祐哲宗建元元祐皆有五年惟景
祐僅四年然至次年十一月始改寶元碑刻於仲
夏則亦可稱五年莫能定爲何時惟至政和中已
稱爲古碑其刻於仁宗初又可無疑碑爲紫團三
十六景之一宋王輔道有詩舊志所云摩崖古籀
者乃碑額所篆新慈雲院碑文六字也慈已冥隄
皆古文惟書新爲篆文爲茂則故作怪異以欺人
矣

熙寧三年正書在縣署范鉞文載舊志

樂氏二真人封號記

大觀三年正書在神郊村王元儒文載舊志

王案紫團山三十六景詩刻

政和六年草書原刻十二石今存一石在文昌祠

□□□□壁府休光常照實沈天晉人搔首王

靈及更狀壺關令尹傳□咸平衙書閣□□□□

神媧補春天遺石此□在吳掖夜接藍英眉勻曉

黛秋葍繡金槃雲表承沆瀣□疊蒼峰

此詩後書迎暘峰絕

句已載舊志

解與天為黨茲山亦壯哉蟠根凌無遷發

壺關續志

卷下

附錄

三五

始□□舊志載詩十六首惟迎暘峰一絕見此石

據金貞祐石刻稱宋三十六詠兵火後得之民間

據府志順治中知縣朱輔移置學宮時尚存四石

輔嘗修縣志所錄之十六首即四石也而疊蒼峰

五古完好無闕竟不錄及何耶石不知何時又亡

乾隆辛亥訓導呂天培披訪僅獲一石因嵌之文

昌祠壁並鐫跋以識

政見舊志

又案宋江州德安人甯遠軍節度王韶子也宋史

附見父傳略云案字輔道好學工詞章登第至校

書即忽若有所覩遂感心疾唯好延道流談丹砂

神仙事得鄭州書生託左道自言天神可祈而下
下則聲容與人接因習行其術纔能十七八須兩
人共爲乃驗外間謹傳浸淫徹禁庭徽宗方崇道
教侍晨林靈素自度技不如願與之遊拒弗許帝
召見來風儀既高又善談論應對合旨帝大喜約
某日即內殿致天神靈素來與共事又弗許或謂
靈素但勿令鄭書生偕來言立敗及日來與書生
至東華門靈素戒閣卒獨與來入帝齋潔敬待越
三夕無所聞乃下來大理獄成棄市前人但詫其
詩字之神奇而不知其立身始末如此備詳之可

壺關續志

卷下 附錄

爲才人放誕之戒

金慈雲院僧清真修造記

明昌四年正書在紫團山

末釋清真俗姓牛本邑程村人也皇統元年出家於
慈雲院禮僧廣壽爲師自到院甘其苦悅其衆頗好
修造皇統三年始修歸善大明院此時衆皆狐疑豈
深信也遂勉力化緣七年修廊殿一十三間并塑像
彩畫功德全完次修和磴橋人事方和一年了畢欲
修慈雲本院詣彼觀爾殊無瓦木惟存寺基況山路
寫遠人跡全無清真便命工修造舍身負擔獨步送

糧十年內修廊殿三十間并彩畫功德一新至正隆
四年了畢□□□有邑眾路□等一百餘人詣本院
請修八龍王院鐘閣清真不畏緣事浩大□然□命
在後鐘閣亦成以圖久住偶值洪恩清真又買八龍
王廟院爲福巖寺止有鐘閣奈廊廟全無四顧荒殘
心增慚感本寺人無寸土□粟依附修造不免化緣
信士自大定初命工修造二十餘載寒暑不畏修□
廊殿共三十七間並塑像彩畫功德甄砌地面由是
僧徒一眾田土難瞻□院慈雲院眾議分付山莊叁
所曰南洪底板菴□孤山底□□斛粟以憑供眾□
乃惟勲節儉□若修身立德神人共喜何畏眾也清
真年七十有三自幼有誓並不存分文衣盂心憂常
住至今依然空手而已故立茲記以□後流

明昌四年九月初九日僧清真立

碑無撰書人蓋卽清真自記也文鄙俚特甚與後
福巖寺石刻並錄以存古村墟祠宇名

福巖寺石刻

崇慶二年正書在紫團山

右本院及落京普明院之下院也具右先師信諒禪
師行狀記內却載一本院山林地裏四至如後東南

至龍樹平東南至南流底南崖南至陳成脚西南至
陳樹驢并曹家壁郭家腳分水河西至回車分水河
西北至孔山迤北至羊馬脚東至孤山國三度河東
北至子樑庄并三段四至以裏盡屬本院寺封田地
所管今開具本院并諸人本院僧數如後本院山主
僧淨贊司院僧淨地庫主僧道果道句維那僧道紀
田顛僧道聚典座僧德口望僧淨果淨故歸善村大
明院淨澄淨整程寨村寶相寺淨妙庫頭僧道禧道
潤堂僧道用道澄道深沙窟村龍泉院主僧誕浹副
院道喆上黨賈掌村嘉祥院主僧道襟澤州高平縣
淨覺解那淨江上下院僧行計四十餘人

昔大金崇慶二季歲在癸酉三月丙辰望前十有五
日信諒禪師立石

案崇慶爲衛紹王收元僅一年復改至寧碑書二
年由深山鄙遠未徧知也

福巖寺補刻岑彥休遊

貞祐五年正書在紫園

左太冲作三部賦止說土地所出杜子美走兩川凡

一篇之詩皆道其事實如杜鵑蜀相祠堂之類不苟
牽合故後人目之曰詩史所貴人取信也紫團寺有
通判岑彥休題字寺經兵火今則無矣彥休學東坡
者其文格非庸人可擬議不到寺者讀其題字可概
見今書之於後

紫團在壺關東南蓋百里峰門而東路轉山脊下視
壁立萬仞使人戰栗不自持慈雲精舍如在井底少
北閣道跨空俗號道士梯自此於叢林亂石間屈折
而下者二里許得平地至慈雲諸峰按地倚天四顧
環合水流湍激其間松竹蒼茂山猿野鳥飛走鳴嘯

壺關續志

卷下 附錄

口如僧居幽絕殆與世隔非路之道口度涉之熊耳
號隆德東山勝處之可並也予因坑治事過此凡三
日裴回不忍去聞青龍潭口洞遽不果到良為恨云
彥休記

此題傳之京師兩學爭誦兵火後口王宗三十六詠
得之民間口無字跡未見口本今付任氏口辭想見
其為人弼夫口口口口口口口口口口口口口口口
口口杜門幽居以謝人事一日忽被公口僧遭口秋
軍旅自黎歷涉既回道由熊耳接門寺翌口周覽勝
境過玉女泉登登翠亭轉層閣其山間佳處一寓目

而盡得之矣少焉裴回廊廡偶覩壁間弼夫所書岑
彥休紫團題字并前後序記愛玩不已遂錄以歸詢
諸耆舊但不知弼夫姓氏暨其官職之詳惜哉暇日
因過福巖語主僧江公命刻諸石且使覽之者不待
窮足力而知吾鄉甚概也福巖蓋紫團曰寺公樂爲
之是歲乙亥之冬熊耳精藍遽遭兵火所幸此題不
與煙塵俱□因知物之廢興文之顯晦蓋亦存乎數
耳於茲乎書

貞祐五年二月上休日樂靜道人牛□祖□沐立石
碑文四段蓋宋隆德府通判岑彥休過寺留題金

壺關續志

卷下 附錄

四

時弼夫得其文自爲序跋重書之壁間樂靜道人
牛樂並鐫之石者據弼夫序彥休在當時實負盛
名卽樂靜亦金末縣人之能文者惜石闕一字與
弼夫並佚其名貞祐三年元兵再破潞州後跋所
云乙亥之冬熊耳精藍遽遭兵火也其貞祐五年
乃興定元年也碑仍書祐與前碑以至寧爲崇慶
同

元重修真澤二真人廟記

至元七年正書在神郊村宋勅文載舊志

重修七佛廟記

至元十六年正書在沙窩村韓仲元文載舊志
內王村大覺院興修記

至元十七年正書在四家池

蓋聞一心向善檀越之難能戮力建緣沙門之盛事
大覺院前充本縣都綱上座僧洪宣謂予曰本寺自
兵荒以來所存者正殿三門而已予童年祝髮居此
者二十餘歲憫其殘缺常懷營葺之念正以力微援
寡非可遽爲兼常住舊有田三十餘畝無以自贍誓
與僧衆損衣節食買及兩頃比年繪畫功德三十餘
軸買五大部經文朔建油房一所又因其故基興造

壺關續志

卷下

附錄

四一

上僧堂三間東厨三間翻蓋前僧堂五間東厨五間
計爲屋二十餘間舊有門高約六十餘尺層簷翬飛
壯麗端整誠古良匠之所構去歲大水幾頃圯焉遂
謀於善衆募工輦石肇造崇階小有腐壞者補完而
增新之噫前後營造雖勞心在已內則法兄弟實爲
股肱外則鄉鄰清信檀越多所借力工既成矣將刻
石以貽後人可乎予善其用心之堅致力之久特爲
直書其事云

碑前書本縣前教諭韓仲元撰文後列銜有敦武
校尉壺關縣達魯花赤兼管諸軍與營勸農事換

只敦武校尉壺關縣尹兼管諸軍與魯勸農事牛
天麟壺關縣主簿兼尉孫璋文左行由後而前次
書本村鄭毅書潞州在城石匠孫廣刊次書本院
僧眾八人共前題名一百三十二人村名之見於
碑者曰東歸曰西歸曰元村東莊曰秦莊曰和磴
曰紫宴北莊曰紫宴南莊曰南陽戶曰石門曰宋
寶曰靳莊曰三家曰下內曰五嶺曰南百戈曰塔
地莊曰東崇賢

新塑文廟十哲記

至元十八年正書在文廟王天佑文載舊志

壺關續志

卷下

附錄

四三

重修靈澤王廟記

皇慶元年正書在北關

神也者陰陽不測之謂也視之而弗見聽之而弗聞
體物而不可遺使天下之人齋明盛服以承祭祀洋
洋乎如在其上如在其左右詩曰神之格思不可度
思矧可射思夫微之顯誠之不可掩如此夫昔宋真
宗大中祥符元季冬上如太山封禪禮十一月次曲
阜縣謁先聖廟命有司定議上制贊加謚曰至聖文
宣王追謚齊太公曰昭烈武成王及封名山大川五
嶽四瀆歷代名王忠臣烈士各立廟焉攷之惟神衛

國公李氏有功於唐列傳書之神堯高祖武德四年以公爲行軍總管伐梁下江南九十六州得戶六十餘萬太宗真觀三年冬以公請行明年二月襲蔣陰山而還詔加光祿大夫次七月爲右僕射八年冬十月公遘疾遜位上曰朕嘉公意始以爲一代之楷模故不相違乃拜特進疾愈加門下同中書平章政事已而復加西海道行軍大總管西戎乃平二十三年五月病卒噫衛公生平之時幹天關而旋地軸華日月而回北斗平寰宇定禍亂表正萬邦混同六合若指諸掌如此之機也沒世之靈禦大災捍大患興雲

壺關續志

卷下

附錄

四

致兩庇佑生民以正其神居廟堂之上享萬民之血食者不亦宜乎曩者天黨潞子之邦斯神廟貌是處有之每歲四月二十日遐爾居民咸致敬以禩焉古壺林邑之北一里有廟曰靈澤值大兵之後正殿廊廡燼滅不存惟荆榛瓦礫而已逮我大元國朝以馬上得天下四海隆平封五岳贈百神誠敬如是也於至元己卯春本邑東坊馬珪陳讓北關秦秀董秀等因時暘以致禱是廟焉洎衆相謂曰斯廟之故基雖存若不興修俾祭者無所瞻仰也慨然皆有興廢之心遂命工規材度木都監鳳山劉甫州吏李才程世

珍以助其力及夫程忠程琳吳瑄平福閔讓王吉路榮秦詮王懿以集其版進士馬溫陰陽王寬監督其功如此經營五載椽之以棟梁鞭之以柱石方成構架未及厥功維那郭秀等中道而止至大德三年戊戌春有王懿王天利再請到維那董安閔讓王裕程溫程贊併甲首平忠常顯司恩董榮等踴躍就役斧斤者陶甃者及秋結瓦乃成越五年秋八月經值地震是處山崩地陷人之居舍少有完全者惟斯廟之不壞豈不爲之靈驗乎距皇慶元年春前安豐路陰陽教授王天利之燕回與兄王懿弟王佑議之曰斯

壺關續志

卷下 附錄

四

廟之結瓦及今一十四年若不再行葺理久之頽圯虛費先人之功也甚可惜哉予與汝輩共成之可乎答以爲然復命前維那社長閔讓陳溫董思誠王思儀甲首平溫吳謙程祥王巨源馬之綱張述古陳儀王讓李讓秦慶陳忠平王董旺王謙秦德輝王天義張忠義張清王人爵秦裕率領坊關大小人穿鳩工計費施財竭力缺者完之故者新之繪材墁壁雕甍畫拱嵌玉粧金層簷接聳翠齊飛彩栴映煙嵐一色縱廣基址內外華古俱以甄瓦磨礪粲然而爲一新觀之無不駭然頃者余雖此一時之用心賴邑里建

緣之者謁鄉隣好事之家齊心協意共成勝事自春
徂冬能事斯畢也吁嗟廟之始建自至元己卯經今
三十四年何成功之緩哉大抵觀萬物之興衰升沉
各有其數斯亦馴致其道矣皇慶元年壬子孟冬五
日丁卯謹記

碑後書前安豐路陰陽教授王天利撰直學馬之
美善丹

清涼院重修廬舍碑錄記

延祐四年正書在清涼山

繁餅之習守不假器寸長之善聖人不沒況優此者

壺關續志

卷下

附錄

四五

乎豈不足以勒美景鍾細勳竹帛炎功壁石龜鑑後
人者耶記曰君子不以美沒禮豈不然而乎蒙

大元國師崇徽政理大師旨善學河術大論主沙門

辨功也德以冠其王嗣本

院講主金公地就

頷衣孟隨方開堂員目為論虎其法屬昆季榮之

後禮迎以歸請揆院事雖曰不暇給而規模宏遠矣

本朝隆信王寶詔

帝師設立僧首以撫治箱廡選推釋門德道德者以

督其事焉師性廉裕有吏能諸山議以充都綱連二

任僧民不忍欺亦不敢代泣事必以道故舉無過事亦無遺策其見機而作道並行而不相悖者與及官弛之日杜門掃迹課律愈嚴雖增葺院具勞亦不廢其自勵如此可謂能爲乎難爲者也先是本院舊廬舍卽像歲冒綿遠鐵木疎腐不相維持相儀缺潰師一瞻一禮爲之潛然退而榷衆曰事之興廢在人之勤惰諸聖之命脉祖宗之遺績若弗克承搆但聚頭資望奚縮爲於是揣爨爨發尙鑄度可爲曰吾慮熟矣計其勞費可用緡萬數不足難先罄吾所有充其半丐其餘以補不足則大事集矣既而募國工運劄

壺關續志

卷下

附錄

四六

術革其故而鼎其新增其材而易其製削千相好承以優曇環背舍卽鱗疏翼間綺互雲合殫工倕之巧極牢度之變不可得而知也其工也如此其神也如彼嘻技至此乎果匠之不世也如是況金碧粉澤飛光集日鮮奕可鑑尤世不可多得之功績氏也師曰吾願容已乎使吾一息苟存此志不容少懈況春秋猶富者乎且囑愚曰凡茲所能皆吾法族吾鄉石與予有夙因緣相資而成者也記曰善則稱人過則稱己公其有之可謂賢也已賢故書之于不朽之石龜鑑後人云爾

延祐四年歲次丁巳八月朔日立石

碑前署閩川鄉陳野民述

重修廣慈寺記

延祐六年正書在烏泉山

佛者西方大聖也力掩造化民無得而稱道冠古今世莫窮其妙以無量無邊廣大之洪福被三千大千世界之衆生駕慈航而普渡羣迷霑法雨而均霑萬彙其不可思議之功德非言所能盡述是以緇徒置夏屋以幘幪之設形像而奉事之佩其教者若子弟之敬父兄非聖力之大詎能致嚴致敬如此壺關東

壺關續志

卷下

附錄

四

南二十餘里有山曰烏泉其地幽閑迥出塵境左揖紫園之仙洞右瞰黃臺之崇巖面五郎之行祠背闍黎之遺廟每憑高顧望盡四山之勝概至若春多嘉卉夏少炎蒸秋林綺靚於霜餘冬嶺瓊堆於雪後四時物態今古常然中有金田一處名曰廣慈據前賢刻石所載云此寺肇於後魏經陳隋歷皇唐以及五代至石晉高祖天福年間有僧審眞者叔立殿宇自爾以來代謝年移不知幾興隆替廢矣惟以閱歲之久內則法像然且完備外則簷楹欹側梁棟腐朽尋就傾壞至此寺者講經賜紅沙門先尊宿了晟參禪

洞究於玄微衍法屢升於貌座賦性瀟質梵行清高
爲郡邑所敬信常憫是殿宇將隕當時已有薦修之
議方欲興工示疾而化勿果其願近於食言後人欲
繼其志以院門多故未遑也比年以來上雨旁風摧
毀尤甚有院主道深等偶因暇日昭穆班行咸萃其
謨曰此殿廢之至易再造誠難若吾儕坐視弗顧一
且有棟撓之凶悔將何及遂同寅協恭議覆前人之
功業垂後人之準繩哉肇我大元至大政元初有院
主任濬等思處世在於禪宮想聊生仰於梵行諺云
穴翼雖堅皆資傳羽以此糾合於衆南興營繕始自

壺關續志

卷下

附錄

四六

前殿至大中知天生萬物也惟人貴靈履后土而戴
皇天垂衣裳而亦拱手膏居幻化於世無益尚恐不
堪重建彌陀之大殿以成巨細之因圓肆皇上帝應
政元初有院主義源等謂緇徒奕世根本宜先我不
敢知曰侍佛將來因伊捨去合其宜也故高構法堂
偉其功行至延祐年間有院主仁樹等覲前經贊進
之功頗宜拭目續建邱山之績方稱雄觀詢謨僉同
遂建立三門至延祐六年有院主任湛等覲垣墉墜
茨丹雘頗勝於故尚闕洞廢之功更期咸熙庶績信
乎雲出無心隱在作雨泉流有本澈處濟人况托我

佛之靈應消我佛之衣糧古云天威不遠顏如咫尺亦云對聖如對嚴君或昧真形何所依俟故繪畫衆聖法身形像內外二殿東西兩壁前後一新綜理無有虧缺合圓滿之道也中間值皇乾逾時之亢旱殆闕甘泉將上下二井之重浚豐坎得給鳩工萃力同時底績遂徧謁鄉豪暨諸善知識壯者誠心而効力富者傾財而喜捨用有弗克罄常住所之費以佐其費陶工梓匠咸精其能腐木易以新材錦棧代以甌甌當其師徒昆仲老幼有五十餘衆之多殿宇房廊上下計百十餘間之廣起功於至大元年之季春

壺關續志

卷下

附錄

四

相續數載其梓材陶冶土石丹青工匠殿最所廢費糧默計萬緡雖罄膏腴所取之實願檀那明中施捨苟得完美比至厥功告成歲次延祐六年之仲秋也其輪焉奐焉遠勝於昔日矣自今以始足以庇蔭衆聖之遺像上爲祝讚萬安之所下則檀信亦有瞻依諸僧又議曰此功一成信爲盛事其鄉社之勸功衆僧行之服勞宜刻石以示後人意既同遂以託見謁余以鄉曲之故勉爲撰贊而書其事云

皆大元延祐六年十月

碑標目曰重修廣慈寺緣起之說自來金石無其

稱例文前署壺關縣前教諭解南韓仲元撰本縣
進士西保村補秉成述本縣司吏王元亨篆額本
寺僧仁洪仁澄書丹察唐龍華寺 堵坡塔銘題
布衣高壩述述即撰也此碑末云余以鄉曲之故
勉爲振實而書其事則文實出於郝秉成而前文
題曰韓仲元撰其書丹亦題僧仁洪仁澄二名種
種乘謬當由縉流無識妄爲文後列銜上重首行
爲晉寧路壺關縣尉宋賽因不花典史劉舜元次
爲登仕郎壺關縣主簿勸農事韓思次爲承事郎
壺關縣尹兼管本縣諸軍與魯勸農事崔顯次爲

壺關續志

卷下 附錄

五

進義校尉壺關縣遠魯花赤兼管諸軍與魯勸農
事塔里赤次爲宣授忠顯校尉管軍上副千戶張
庭傑次爲宣授會福院判事議大夫王伯淵每行
下分列沙門僧名合二十餘人不備錄末行工匠
多冠以村名有百佛園村馮坡村郭學村黃山村
慕容廟碑

致和元年正書迴陽山

尊王而不尊霸報德而不報功豈理也哉傳言有功
於民則祀之以勞定國則祀之義不白乎若晉慕容
晉世本戎族自先代遷居遼西棘城始號爲慕容部

至甃於成帝之時初封燕王其勢凌盛僭位數世遂
得割據偏方妄自稱帝僭乃甚焉至於用兵爭強以
力相勝有功斯世其褒崇之也宜矣故立廟以祀之
廟在壺關紫園鄉北城頭咀陽峰之上舊焉不知其
幾何而廢遺址尙存居民有欲完復者多矣惟鄉豪
司仁天資瀟樸秉性溫和能興廢補弊率隣里之眾
而營輯之其於正寢之旁增修太尉廟一間經始於
延祐七年之正月落成於至治元年之十月眾復議
曰廟既完矣丹楹刻楹彫牆較宇然而無像設之嚴
則小人多有不知其敬畏者里人郭旺司焚郭泰鳩

壺關續志

卷下

附錄

五

其工司才司實田遷郭德郭憶司顥董其事司侃張
貴司忠司良田億助其力心計手畫胚胎形質備袞
冕具侍衛不期日而成之繪像甚盛金碧駭目使人
皆有所瞻依工既訖功司仁郭旺等遂約予爲記以
誌歲月予亦辭其不敏再三固請度不可以終辭故
爲書之嗚呼昔爲榛蕪瓦礫之區今則以爲祈禱祭
享之所耳若衆慮之不協何以得臻於此是歲大旱
連延百有餘里河東之地皆不熟民飢而死者不可
勝數惟此鄉之內油然而雲沛然而雨其秋大成家
多儲蓄既庶且富力乃有餘神之靈有驗於人民之

福有賴於神是雖幽顯不同而相感應如此昔季氏
旅於泰山聖人直斥其非禮今日感應者何也然則
聖人之意以謂神不享非類雖祭無益然而山川之
望固郡守之職所當兼以其地傍而不暇及居民不
以歲時致祭則虛神惠矣記曰雖有惡人齋戒沐浴
則可以事上帝謂凡民不可以事神非不可也惟在
於誠敬潔己而已詩曰神之格思不可度思矧可射
思又勅後世事神始勤終怠者也況此一方地靈人
秀風清俗美足知禮讓又聞相警之言乎故撰其事
乃刻諸石以取信於來世

壺關續志

卷下 附錄

大元致和元年歲次戊辰八月初四日立石

碑標曰云晉寧路壺關縣紫團鄉北城頭村叔修
慕容廟記文前署鄉貢進士百尺李晦克明撰文

并書

警宵亭記

天歷三年正書在城內

天下之事無一物而不窮其理見而知之者巨細悉
舉聞而知之者疑信參半聖人約魯史以作春秋未
免闕文司馬光修史記尙有歉辭大抵有一物而述
一事無物何述焉抑斯警宵亭見之矣泰定四年三

月公以壽陽尉來壺關守官未暮百里咸歌四方迺
定敬事尊賢安老懷幼禦寇甯奸利用出入而自息
也暇日登臨而望龍溪倚西北之奇鳳皇翔東南之
美積水環城林樹蒼蔚然市井依稀必有忠信共處
視其所以謂左右告之曰是昔者高亭古基也慨然
有新作之志近城採木不勞於民良匠獻功弓兵赴
役僦甃之類以俸金易之興建於泰定丁卯夏落成
於天歷己巳秋層臺爽目高出雲霄遠接乎黃道迨
迺乎紫微助春光重簷倒影鷗鴨浮沉迎秋日彩楹
插天雁鴻側度觀其華麗粧點壺林一新景耳公親

壺關續志

卷下 附錄

五三

書其額曰警宵眾曰爲此者肅齊軍政嚴整弓兵威
伺暴客聲振姦邪施號令司昏晚擊鐘拊鼓測漏分
更則警宵之謂口不然偶以詩序出之有休言江上
景未必若壺關之句眾皆悅之能之者繼韻成軸當
此之時公之與同僚縣尹孫達卿主簿劼思恭典史
劉搏霄及會東巖隱者秦文德等講論書史明致知
格物之理及熙甯靜軒記以靜禦動之說不以物欲
撓乎心者易繫辭曰天尊地卑乾坤定矣卑高以陳
貴賤位矣動靜有常剛柔斷矣竊謂專以靜爲主動
者若何用靜與動不失其時其道光明如古之人集

乎深山釣乎野水或耘之田或築之巖四者貞靜固
守一旦而加諸上位誠以靜致動一理之功夫既而
登是亭也高朋滿座勝友如雲醺毛序齒樽酒盞貳
飲食以養其體宴樂以養其和斯須之間簫鼓盈耳
語笑誼譁手舞足蹈諸賓之樂也公又不然東視行
山嵐谿霞壑少有平田得神農嘉種遇炎常熟鮮流
殍之民西觀平水人物淳古所轄之邦有陶唐遺風
焉南觀河洛思卽程之業循序教人進德成材北瞻
平定父母之邦元趙楊李四賢遵誨簪笏後人欽仰
京師聖天子龍飛九五應天地中和之氣出杜算入

交通不惟諸賓之樂天下兆民之樂也留連不忘日
夕而罷噫公之謂誰也贈中大夫冀甯路總管呂德
成之曾孫也朝請大夫陝西漢中道肅政廉訪司副
使允之孫也河中府儒學教授瑞世之子也之屏諱
也維藩者字也

大元國天歷三年歲次庚午春三月壬子朔龍溪東
塋僅菴陰陽教授王天利記

將仕郎南陽府舞陽縣主簿張德鄰并坊廓社長耆
老人等同立石

本縣僚屬尉司人吏弓兵一十八名 黃山匠王元

等刊

廣禪侯廟碑

至順四年正書在四家池

蓋聞鬼神之道視之無形聽之無聲幽深玄遠未易窺測然祭之盡誠則亦有時而在所謂有其誠則有其神焉至若壺林有聚落曰內王里其里眾老有會曰鄉約約曰凡我同會之人出入相友守望相助疾病相扶持筭相親睦勿以酒菓嘉餽爲樂而以信忠孝悌爲尙一日眾友議曰茲約雖云美矣然所以未盡善也何則無神以宗之眾曰將安適從中間會長

壺關續志

卷下 附錄

五

姜添曰牛王神往古來今我農家之當禱雖然當繪之以形乎塑之以像乎曰繪之以形此一時之偉觀未若塑之以像以遺將來俾後輩子孫口約眾曰諾於是輒鳩工集金選大木輦石以構大宇厥功將興適丁事阻加以大難邠宋宣天年終而損經營焉於是風雨摧敗而棟梁朽焉歲月云邁牆垣頽圯前日之功遂狼籍矣一日宋宣男居先并姜添曰祖宗經之營之志未就而卒是猶有遺爲人子爲人後者奈何不繼志述事耶眾奮然曰我數人當同心協力乃能有功我祖我父在天之靈亦眷顧爾不然雖在時

甘旨之奉亦不得爲孝也於是仍舊作新未暮而厥
功告成雕牆峻宇階祀一新神像巍巍誠一時之壯
觀甫年載間本社牛羊茁壯皆曰甚得我廣禪侯廟
之祐矣豈非所謂有其誠則有其神歟然而功緣造
作若茲壯麗雖我數人之謀爲亦賴衆人之力耳俾
將來者不知創自何代特筆數語以誌之云爾嗚呼
茲宇之建永爲鄉約踵藍田之遺風以致鄉里敦睦
之行方之於不務民義誦瀆鬼神者殆不同然耳
歲在癸酉至順季秋哉生明越翌日記

碑標目云維大元國晉甯路潞州壺關縣三老鄉

壺關續志

卷下 附錄

五

內王村新修廣禪侯廟記下署前鄉貢士元維一
撰案潞城有廣禪山此云廣禪侯未詳所自而祀
爲牛王事涉不經文亦鄙俚錄以存古不因鄉曲
委巷之言而擯之也

靈顯觀記

年月未詳正書在孝文村

夫道之爲教久矣始於黃帝空同之謁次於元元函
谷之遊關尹子請著其書漆園公繼宏是道由漢及
今天師傳正一之宗大盛五教純陽創全真之學復
嗣元風逮我聖朝太祖禦極之初長春真人應詔之

後福地琳宮星冠羽服莫今盛也壺林良方去城一舍有聚落曰孝文村東山河有觀曰靈顯莫知創始地靈山秀泉甘土肥幽濶遼迴地勢非常孝文廟據其東書案山峙其南清涼山崇其西聖母廟壯其北世傳呂純陽昔遊至此於觀壁間題詩云素衣邱壑寄生涯相近茅衡共幾家卧聽松音臨水石坐看山色老煙霞林中有鶴窺來客巖畔無人見落花但把琴書消白晝不須鑪鼎內鍊丹砂雖年久歲湮詩蹟未泯有道士牛志信者潞城西社人年二十棄俗入道眾欽其戒行可取禮請爲是觀主志信芟荆剪棘

壺關續志

卷下

附錄

五

結茅爲廬雖手足胼胝亦不憚其勞四方善信貧者輸力富者給財不數載舊者新傾者樹聖眞有殿雲侶有齋繚以垣墉植以花木煥然可觀足爲一方之遊息地享年八旬倏然而逝門人王從善者繼其業述其事會其徒曰若不刻諸翠琰以永其傳恐歲代絲邈失呂眞人之詩翰及不知前人重修之艱難也遂請文於余辭不獲已而爲之記

碑文載舊志而刪節過半據平順志錄之

增修宣聖廟記

至正中正書張時髦文載舊志

明儀石碑陰記

洪武年元年正書在縣署張時髦文

重修神農廟記

洪武三年正書在安化二里杜敷文

新築南池記

洪武九年正書杜敷文

壽聖寺鐘識

成化五年正書在常平里文七十八字皆儷語

壺關三老墓碑

正德中正書崇賢村劉龍文

壺關續志

卷下

附錄

五

重修廟學記

嘉靖三年正書呂楨文又有宿椿張鐸二碑並見

舊志

重修摩雲寺記

嘉靖二十四年正書張鐸文

重修縣城記

嘉靖三十八年正書張鐸文

邑令奈西田去思碑

隆慶三年正書楊承勳文

邑中碑

萬曆中正書方應明文

新鑿龍雨池記

萬曆中正書武有備文

前壺關令汝南方公生祠記

天啟四年正書程正己文

壘石山佛寺碑

天啟七年正書在大會村東

案有明碑碣所在多有時代既近當以文論而自
舊志藝文譜錄外可採者寥寥矣列其目如右姑

取備云

壺關續志

卷二

附錄

五

